



# NOUËL PASTOURA

A L'AOUNOU

DÉ LA NAYSENÇO DE JÉSUS

*Qué séra cantat dins la Gleiso  
Nazareth lé 25 Décembre 1818*

PAR MARMONT.

---

**D**INS lé sé dé Mario  
Jésus sés incarnat  
Pér nous douna l'Oustio  
Dé l'immortalitat:  
Célébrén ambé joyo  
Aquél joun trioumphant,  
Lé Berbo nous enboyo  
Jésus lé Tout-Puissant,

} *Bis.*

DINS un cantou d'establé ;  
 Sans foc , ni sancé lyeit ,  
 Lé Saoubur adourablé  
 Bol naysé dins la neyt :  
 Al fort dé la gélado ,  
 Parmi tant dé glaçous ,  
 Énduro la tourrado  
 Pér nousaous pécadous.

} *Bis.*

PASTOUS, aban l'ouroro  
 Ranfermats lé troupel ,  
 Bésitats la démero  
 Dél Fil dé l'Éternel :  
 Prénets bostros muséto ;  
 Malgré lé frét glaçial  
 Jouarén las albéto  
 Al tour dé soun bercail.

} *Bis.*

AOUJETS quin harmounio  
 Lés Angels fan al Cel  
 Per ounoura Mario  
 Et soun bel Pastourel :  
 A l'aounou dé sa glorio  
 Nousaous cantén én cor :  
 Bibo , bibo la joyo  
 Qué part dél soun dél cor.

} *Bis.*

LÉs aouzels dél houscatgé  
 Formon lou ramélét,  
 Pér ouffri lour houmatgé  
 Al noubel Agnélét ;  
 Al tour dé sa toituro  
 Lé roussignol counten  
 Déployo sans méuro  
 Soun bel gazouillomen.

} *Bis.*

DINS uno simplo crécho,  
 Signé d'humilitat,  
 Jésus aquiou nous précho  
 Touto l'humanitat :  
 Aquél dibin Moudelo  
 Adoucira lé sort  
 D'uno raço rébello  
 Qu'a méritat la mort.

} *Bis.*

ADOURÉN én silenço  
 Lé mistery proufound,  
 Car touto la scienco  
 S'y perd et s'y counfound :  
 Mourtels, à sa priero  
 Abandonnats l'esprit,  
 É laysats la lumiero  
 Al Saoubur Jésus-Christ.

} *Bis.*



